

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0055098 23
Zenica, 12.04.2024. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. ZKP-a F BiH, podižem

O P T U Ź N I C U

Protiv:

KOVAČ SELMIRA, rođen 2003. godine u Zenici, neosuđivan,

što je,

dana 16.09.2023. godine oko 14,15 sati, u gradu Zenica, na parking prostoru ispred TC „Robot“ d.o.o. Zenica u ulici Sarajevska, upravljajući pmv. marke „Passat“ reg. oznaka ... vozio neoprezno i nedovoljno pažljivo, postupajući suprotno odredbama člana 36. stav 1. Zakona o osnovama bezbjednosti saobraćaja na putevima u Bosni i Hercegovini, tako što je preduzeo radnju vožnje unazad a da se prethodno nije uvjerio da navedenu radnju može izvesti na bezbjedan način i bez opasnosti za druge učesnike u saobraćaju, ne vodeći dovoljno računa o položaju vozila i pravcu kretanja, svjestan da zbog toga može ugroziti javni promet i dovesti u opasnost život ljudi, ali je olako držao da se to neće desiti, kojom prilikom je zadnjim dijelom vozila ostvario kontakt sa J. F. koji se nalazio na parking prostoru neposredno iza zadnjeg dijela svog parkiranog vozila marke „Golf“ reg. oznaka ... usljed čega je došlo do prignječenja tijela J. F. između zadnjeg dijela navedenih vozila, kojom prilikom je J. F. zadobio tešku tjelesnu ozljedu u vidu preloma tijela desne lakatne kosti,

dakle, kao učesnik u saobraćaju, koji se ne pridržava saobraćajnih propisa, ugrozio javni promet da je doveo u opasnost život ljudi, uslijed čega je prouzrokovana teška tjelesna ozljeda neke osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.